

Qinersinermik siulersuisunik toqqaaneq

2021-mi Inatsisartunut qinersinermik siulersuisut

Aalajangiiffigisassaq

J.nr.: EMN-2021-05841

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Ulloq 6. aprili 2021-mi Inatsisartunut qinersisoqassaaq

Qinersinermik siulersuisunut ilaasortaassapput borgmesteri aammalu Kommunalbestyrelsimut ilaasortat minnerpaamik marluk. Qinersinermik siulersuisunut ilaasorta qinigassanngortippat ilaasorta pineqartoq qinersinermi siulersuisunut ilaasortatut tunuassaaq.

Allaffeqarfiup innersuussutigaa, suliassat eqqarsaatigalugit, 2021-imi Inatsisartunut qinersinissamut qinersinermik siulersuisuni ilaasortat tassaassasut Kommunalbestyrelsimut, Nunaqarfinni Aqutsisunut ilagiillu sinniisaannut qinersinermi Qinersinermik siulersuisunut ilaasortat.

Suliaq Aningaasaqarnermut Inuussutissarsionermullu Ataatsimiititap ulloq 18. februaari 2021-mi ataatsimiinnerani oqaluuserineqarpoq, ataatsimiititalu inassuteqaatigineqartut akuersissutigaa: Inassuteqaatini siulleg: Kommunimut qinersinissamut qinersinermik siulersuit Inatsisartunut qinersinermut siulersuisunut toqqarneqarput.

Inassuteqaatit aappaat: ilaasortat sinniisussaattut toqqarneqarput:

Jens Kristian Berthelsen (S) Peter Davidsen-mut (S) sinniisussatut toqqarneqarpoq.

Michael Rosing (Att) Justus Hansen-mut (D) sinniisussatut toqqarneqarpoq.

Inassuteqaatit pingajuat: suliaq Kommunalbestyrelsimut inaarutaasumik akuersissutigisassanngorlugu ingerlateqqinneqarnissaa akuersissutigineqarpoq.

Inassuteqaat

Aningaasaqarnermut Inuussutissarsionermullu Ataatsimiititap Kommunalbetyrelsimut inassuteqaatigaa:

- Kommunalbestyrelsi 2021-imi Inatsisartunut qinersinermik siulersuisunik toqqaassasoq
- Kommunalbestyrelsi qinersinermi siulersuisuni ilaasortat sinniisussaannik toqqaassasoq

Suliamik saqqummiussineq

Ulloq 6. aprili 2021-mi Inatsisartunut qinersisoqassaaq.

Qinersineq Qinersinermut Ataatsimiititaliamit siulersorneqassaaq, taanna qinersinermik allattaavimmik, tasanilu ilanngullugit qinigassanngortittut partiillu qinigassanngortitsisut paasissutissiissutigineqassapput. Kommunini tamani Qinersinermik siulersuisunit qinersineq piareersarneqassaaq aquneqarlunilu.

Qinersinermik siulersuisut qinersisoqarnerani pingaarnertut nakkutilliisussaapput, tassunga ilanngullugu taasiartorfissanik, taaguinermi siulersuisussanik akuersissutiginninneq, qinersisartut allassimaffiat assigisaaluunniit pillugu naammagittaalliortoqartillugu pingaarnertut aalajangiisusaaq aamma qinersinermut ataatsimiititaliaq tassaavoq naammagittaalliortoqartillugu tulliulluni aalajangiisinnatitaasoq.

Qinersinermik siulersuisunut ilaasortaassapput, borgmesteri aammalu kommunalbestyrelsimi ilaasortat ikinnerpaamik marluk. Inatsisartunut qinersisarneq pillugu Inatsisartut inatsisaat nr. 14, 24. november 2020-meersoq naapertorlugu borgmesteri Qinersinermik siulersuisuni siulittaasuusaaq. Kommunalbestyrelsimi ilaasortaqtigii pineqartumik toqqaasimasut

siniisussamik toqqaassapput. Inatsimmi pineqartumi §9-mi imm. 3-mi ilanngullugu allaqqavoq, Qinersinermik siulersuisuni ilaasortaq qinigassanngortippat ilaasortaq pineqartoq Qinersinermik siulersuisunut ilaasortatut tunuassaaq.

Allaffeqarfiup innersuussutigaa, suliassat eqqarsaatigalugit, 2021-imi Inatsisartunut qinersinissamut qinersinermik siulersuisuni ilaasortat tassaassasut Kommunalbestyrelsimut, Nunaqarfinni Aqutsisunut ilagiillu sinniisaannut qinersinermi Qinersinermik siulersuisunut ilaasortat.

Qinersinermik siulersuisut suliai

Qinersinermi siulersuisut Inatsisartunut qinersinissamik piareersarnissaq qinersisoqarnissaalu akisussaaffigaat. Qinersinermi siulersuisut ataatsimiittassapput, naatsorsuutigineqarporlu qinersinermi siulersuisut sisamariarlutik tallimariarlutilluunniit ataatsimiikkumaartut makku oqaluuserisassalugit:

- Taaguinermik siulersuisunik aammalu taasiartorfissanik assigisaannillu toqqaanerit.
- Qinigassanngortitanik nalunaarutininik tigusineq aamma qinersinermut ataatsimiittamut ingerlatitseqqiineq
- Qinersisartut allassimaffiannik akuersissutiginninneq
- Inimik qinersivimmik akuersineq (ileqqusoq inatsisitigut piumasaqaataanngitsaq)
- Ulloq qinersivik/unukkua (ileqqusoq inatsisitigut piumasaqaataanngitsaq)
- Qinersinermut allattaavimmik akuersissutiginninneq

Aaqqiissutissatut siunnersuut – suliatigut naliliineq

Qulaani allaqqapput.

Aningaasatigut sulisoqarnikkullu naliliinerit

Qinikkanut Allatseqarfik qinersinermi siulersuisunut allatseqarfittut inissisimassaaq, naatsorsuutigineqarporlu qinersinermi siulersuisut sisamariarlutik tallimariarlutilluunniit ataatsimiissasut.

Inatsisitigut tunngavissaq allakkallu tunngaviusumik uppernarsaatitalit

Inatsisartunut qinersisarneq pillugu Inatsisartut inatsisaat nr. 14, 24. november 2020-meersoq.

Ingerlariaqqinnissaq

Toqqaasoqareerpat Qinikkanut Allatseqarfik ataatsimiigiaqqusissaaq, qinersinermilu siulersuisut ataatsimiinnissaani siullermi oqaluuserisassat nassutissallugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinneqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangernerit

Aningaasaqarnermut Inuussutissarsiornermullu Ataatsimiititaq 18. Februaari 2021:

Inassuteqaatini siulleq: Kommunimut qinersinissamut qinersinermik siulersuit Inatsisartunut qinersinermut siulersuisunut toqqarneqarput.

Inassuteqaatit aappaat: ilaasortat sinniisussaattut toqqarneqarput:

Jens Kristian Berthelsen (S) Peter Davidsen-mut (S) sinniisussatut toqqarneqarpoq.

Michael Rosing (Att) Justus Hansen-mut (D) sinniisussatut toqqarneqarpoq.

Inassuteqaatit pingajuat: Inassuteqaat akuersissutigineqarpoq.

Ilannugsaq
Soqanngilaq.